



Broj:01-01- 2622/24  
Sarajevo, 02.09.2024.godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Službeni glasnik BiH“, broj 39/14, 59/22, 50/24), člana 14. stav (2) Pravilnika o javnim nabavkama roba, usluga i radova u JU „Služba za zapošljavanje Kantona Sarajevo“ Sarajevo broj: 09/1-1382-1-UO/22 od 05.08.2022. godine i broj: 09/1-2461-UO/23 od 20.09.2023. godine, a na osnovu Preporuke Komisije za javne nabavke, broj: 09/3-2568/24 od 22.08.2024.godine u postupku nabavke – Uredskog namještaja za potrebe Javne ustanove „Služba za zapošljavanje Kantona Sarajevo“ Sarajevo, direktorica *donosi*

### **ODLUKU o poništenju postupka javne nabavke**

#### **Član 1.**

Prihvata se Preporuka Komisije za javne nabavke broj: 09/3-2568/24 od 22.08.2024.godine i poništava se postupak javne nabavke – Uredskog namještaja, za potrebe Javne ustanove „Služba za zapošljavanje Kantona Sarajevo“ Sarajevo u Otvorenom postupku javne nabavke, iz razloga što nijedna od primljenih ponuda nije prihvatljiva.

#### **Član 2.**

Ova Odluka bit će objavljena na web stranici JU „Služba za zapošljavanje Kantona Sarajevo“ Sarajevo, [www.szks.ba](http://www.szks.ba), shodno članu 70. stav (6) Zakona o javnim nabavkama.

#### **Član 3.**

Ova Odluka stupa na snagu danom donošenja.

### **Obrazloženje**

Odlukom o pokretanju postupka javne nabavke – Uredskog namještaja, za potrebe Javne ustanove „Služba za zapošljavanje Kantona Sarajevo“ Sarajevo broj: 01-01-2358/24 od 16.07.2024. godine, pokrenut je predmetni postupak javne nabavke.

Javna nabavka provedena je putem Otvorenog postupka javne nabavke.

Ukupna procijenjena vrijednost iste bez PDV-a iznosi 60.000,00 KM.

Slijedom navedene Odluke, dana 19.07.2024. godine, na Portalu javnih nabavki, izvršena je objava Obavještenja o nabavci broj: 774-1-1-42-3-21/24.

Po isteku roka predviđenog za dostavljanje ponuda, Komisija za javnu nabavku imenovana Rješenjem broj: 01-01-34-2419/24 od 24.07.2024. godine, shodno okvirima djelokruga rada, prisupila je blagovremeno sastanku, o čemu je sačinila odgovarajući zapisnik broj: 09/3-2568-1/24 od 19.08.2024. godine, te slijedom istog sačinila Preporuku broj: 09/3-2568/24 od 22.08.2024. godine, sadržajem koje predlaže ugovornom organu da na osnovu člana 69. stav

(2) tačka d) Zakona o javnim nabavkama („Službeni glasnik BiH“, broj 39/14, 59/22, 50/24), donese Odluku o poništenju postupka predmetne nabavke, iz razloga što nijedna od primljenih ponuda nije prihvatljiva. Kao obrazloženje za svoju preporuku komisija za javne nabavke je ocijenila da u postupku javne nabavke namještaja zaprimljena je jedna ponuda ponuđača Wrigg Gil d.o.o. Sarajevo.

Uvidom u ponudu komisija je konstatovala a u vezi gore navedenog (Tenderska dokumentacija pod 3.3. Tehnička i profesionalna sposobnost ( član 48 i 49.) Zakona o javnim nabavkama.) da je ponuđač Wrigg Gil d.o.o. Sarajevo u svojoj ponudi (numerisana stranica 20/27) dostavio popis ugovora u posljednje tri godine i izjavu o urednom izvršenju. Na kraju popisa pomenutih ugovora stoji, ujedno izjavljujem da su navedeni ugovori uredno realizovani. Na mjestu gdje je navedena odgovorna osoba ( direktor pa ispod ime i prezime ) evidentno je da ista nije potpisana i ovjerena. Sve ostale tražene dokumente poput, primjera radi Obrazac za cijenu ponude, Izjava o podugovaranju, Povjerljive informacije, Nacrt ugovora, odgovorna osoba je potpisala i ovjerala.

Komisija je stava da ovakav dostavljeni popis ugovora u posljednje tri godine i izjava o urednom izvršenju koja nije potpisana i ovjerena od strane odgovorne osobe ponuđača se ne može smatrati validnim i samim tim ponuđač Wrigg Gil d.o.o. Sarajevo nije ispunio minimalne uslove za kvalifikaciju kako je predviđeno Tenderskom dokumentacijom pod 3.3. Tehnička i profesionalna sposobnost ( član 48 i 49.) Zakona.

Pored gore navedenog ponuđač Wrigg Gil d.o.o. Sarajevo je dostavio dokaz o dostavi uzoraka koji je ovjeren i potpisan od strane odgovorne osobe ponuđača, međutim jedini dostavljeni uzorci su od „Gradiz“ d.o.o. Sarajevo (Bellona) čiji su ovlašteni radnici dostavili uzorke 5 (pet) stolica i uredno izdali Otpremnicu br: 24-0140-001211. Formalno gledajući uzorci nisu vlasništvo ponuđača Wrigg Gil d.o.o. Sarajevo jer da jesu ponuđač bi uz pomenute uzorke ispostavio svoju otpremnicu.

Na osnovu gore navedenog komisija za nabavke je konstatovala da ponuđač Wrigg Gil d.o.o. Sarajevo nije dostavio navedene kvalifikacione uslove što je traženo tenderskom dokumentacijom te se njegova ponuda ne može smatrati prihvatljivom. Pošto nema prihvatljivih ponuda ne može se ni zakazati E-aukcija kako je bilo predviđeno TD. komisija smatra da se postupak javne nabavke kancelarijskog namještaja treba poništiti u skladu sa članom 69 tačka d) Zakona o javnim nabavkama (nijedna od primljenih ponuda nije prihvatljiva).

Cijeneći navedeno, dosljednom primjenom i pravilnim tumačenjem odredbi člana 69. stav (2) tačka d) Zakona o javnim nabavkama („Službeni glasnik BiH“, broj 39/14, 59/22, 50/24), čime su se stekli uslovi za poništenje postupka predmetne nabavke, člana 70. stav (1), (4) i (6) Zakona o javnim nabavkama („Službeni glasnik BiH“, broj 39/14, 59/22), člana 14. stav (2) Pravilnika o javnim nabavkama roba, usluga i radova u JU „Služba za zapošljavanje Kantona Sarajevo“ Sarajevo broj: 09/1-1382-1-UO/22 od 05.08.2022. godine i broj: 09/1-2461-UO/23 od 20.09.2023. godine, a postupajući po preporuci Komisije za javne nabavke broj: 09/3-2590/24 od 26.08.2024. godine, odlučeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana, od dana prijema iste, Uredu za razmatranje žalbi, putem ovog Ugovornog organa, u skladu sa članom 99. i 101. Zakona o javnim nabavkama.

Pripremio: Ibrahim Lika



Dirktorica

Amra Dzonlagic

**Dostaviti:**

- Ponuđači,
- Jedinici za nabavke
- A/a

